

- (e) Sebab-sebab tender terpilih dicadangkan.
- (f) Senarai kontraktor yang dicadangkan.
- (g) Tempoh Siap Inginan.
- (h) Maklumat kontraktor termasuk alamat, kelas, taraf, rekod pengalaman kerja yang lepas dan kerja semasa.

6.4.3 Memandangkan kemungkinan berlakunya muafakat dalam tender terhad, semua maklumat yang berkaitan adalah SULIT.

6.5 Notis Tender⁹

6.5.1 Semua pelawaan tender tempatan hendaklah diiklankan dalam sekurang-kurangnya satu (1) akhbar harian utama Bahasa Melayu. Kandungan iklan tender hendaklah jelas, kemas, ringkas dan tidak mendatangkan apa-apa keraguan atau pembaziran. Kandungan iklan tender hendaklah menyatakan perkara-perkara berikut:

- (a) Agensi yang memanggil tender;
- (b) Tajuk tender yang diiklankan;
- (c) Jenis tender, sama ada terbuka dan/atau khas Bumiputera;
- (d) Syarat-syarat kelayakan petender:
 - (i) bagi tender bekalan dan/atau perkhidmatan -berdaftar dengan Kementerian Kewangan di bawah kod bidang dan sub-bidang yang berkenaan; atau
 - (ii) bagi tender kerja - berdaftar dengan Pusat Khidmat Kontraktor (PKK) di bawah kelas, kepala dan subkepala yang berkenaan dan Lembaga Pembangunan Industri Pembinaan Malaysia (LPIPM/CIDB) dalam gred dan kategori yang berkenaan;
- (e) Tempat, tarikh dan masa dokumen tender dijual;

⁹ Surat Pekeliling Perbendaharaan Bil. 5/2007 bertarikh 27 Februari 2007